



ALTERNATIV DEMOKRATESCH
REFORMPARTEI

Groupe parlementaire

N° 5047
Reçue le 05.10.2021
Déclarée recevable
Président de la Chambre des Députés
(s.) Fernand Etgen
Luxembourg, le 05.10.2021

Här Fernand Etgen

President vun der Deputéiertechamber

19, um Krautmaart

L-1728 Lëtzebuerg

Lëtzebuerg, den 4. Oktober 2021

Här President,

sou wéi d'Chambersreglement et virgesäit, bieden ech Iech, dës parlamentaresch Fro un d'Madamm Justizminister, den Här Bausseminister, den Här Minister fir den ëffentlechen Déngscht, den Här Verdeedegungsminister an den Här Minister fir déi bannenzeg Sécherheet weiderzeleeden.


Vu datt d'Lëtzebuenger Justizwiese mat gréissere Rekrutementsproblemer konfrontéiert ass, huet d'Madamm Justizminister rezent annoncéiert, e Gesetzesprojet auszeschaffen, fir kënnen méi Justizreferendairen anstellen. Nei ass hei virun allem, datt d'Lëtzebuenger Nationalitéit net méi gefrot ass, fir déi genannte Posten ze besetzen. Et wier deemno esou, datt d'Kandidate just nach déi dräi administrativ Sprooch beherrsche mussen. Dëst ass virun allem dowéinst problematesch, well d'Justiz jo als eng *fonction régalienne* vum Staat consideréiert gëtt, also als eng hoheitsrechtlech Funktioun där hir Ausübung normalerweis Leit virbehalen ass, déi déi Lëtzebuenger Nationalitéit hunn. Sollten net genuch Kandidate fonnt ginn, déi déi dräi administrativ Sprooch beherrschen, sou gesäit d'Regierung souguer fir, Kandidaten unzehuelen, déi dës elementar Sproochekonditioun net erfüllen.

An deem Kontext hätte mir folgend Froen un d'Madamm Minister:

1. Wéi eng Instanz kontrolléiert, datt d'Kandidate fir d'Funktioun vum Justizreferendaire och effektiv déi dräi administrativ Sproochen op héijem Niveau beherrschen? Wéi eng Sproochenniveaue sinn iwwerhaupt, opgeschlësselt no deenen dräi offizielle Sproochen, gefrot?
2. Gouf déi uewe beschriwwen Decisioun iwwerhaupt mat den zoustännege Justizinstanzen an de representative Gewerkschaften aus dem ëffentlechen Déngscht am Virfeld diskutéiert? Wa jo, wéi war hei d'Reaktioun?
3. Ass et an den Ae vun der Madamm Justizminister net problematesch, datt ee Justizreferendaire net méi brauch Lëtzebuenger ze sinn, vu datt et sech jo hei ëm eng *fonction régalienne* handelt?

4. Kann dëst e Präzedenzfall fir aner Beräicher sinn, zum Beispill fir d'Diplomatie oder d'Force Publique (Arméi a Police)?

Mat déiwem Respekt,



Fred Keup
Deputéierten



Roy Reding
Deputéierten



Äntwert vun der Justizministesch Sam Tanson, dem Aussenminister Jean Asselborn, dem Minister fir den öffentliche Dëngscht Marc Hansen, den Verdedegungsminister François Bausch an den Minister fir déi bannezeg Secherheet Henri Kox op d'parlamentaresch Fro N° 5047 vum 5. Oktober 2021 vun den honorablen Deputéierten Fred Keup a Roy Reding

D'Froen betreffen de Gesetzesprojet N° 7863 iwwert d'Justizreferendairen, deen den 23. Juli 2021 op den Instanzewee geschéckt ginn ass.

An der Sëtzung vum 22. September 2021 vun der parlamentarescher Justizkommissioun ass de Gesetzesprojet N° 7863 presentéiert ginn, wou all dës Froen diskutéiert konnte ginn.

Well déi legislativ Prozedur nach en cours ass, an déi honorabel Deputéiert zu all Moment, bis den Dag vum Vote, hiir Froen kënnen am Parlament stellen, ass et awer onüblech, dass nach parallel eng parlamentaresch Fro gestallt gëtt.

-

Fro N° 1

De Gesetzesprojet N° 7863 gesäit kee spezifeschen Sproochenrégime vir.

Den allgemenge Sproochenrégime aus dem öffentliche Dëngscht ass fir d'Justizreferendairen applicabel.

-

Fro N° 2

De Justizministère huet de Gesetzesprojet N° 7863 an enker Zesummenaarbecht mat den Justizautoritéiten ausgeschafft.

-

Fro N° 3

D'Missioun vun de Justizreferendairen ass fir d'Magistraten ze assistéieren. D'Justizreferendairen hunn keng eegen Entscheidungsgewalt. Sie schaffen exklusiv op Instruktioun an ënnert der Kontroll vun de Magistraten.

-

Fro N° 4

Nee.

Lëtzebuerg, den 9 November 2021.

D' Ministre de la Justice

(s.) Sam Tanson